



0.11

16
1533
40

早稻田大學附屬
圖書圖
寄第
漢詩文
第 號
第 卷
此書館外不許帶出



明和16
番1539
卷4240



羅山林先生詩集卷第十八

歲時八

和東山大統長老試毫韻初余歲十三嘗遊
東山謁長老今茲長老八十八歲余四十二
歲也相識殆三十年故一篇及此云

一陣春風耶馬堆花鋪錦繡迺翁才今朝緬憶詢
師昔三十年前我尚孩
胸中萬卷久成堆文彩奪霞間出才肺腑回春無
盡藏腎宮先煖育桃孩 寬永元年

洛陽東山建仁寺大統庵長老古澗叟試筆
絕句來示今年八十九歲也其句中言之故
余亦和其韻而及此云寬永二年

猶餘十_一百年間鬚髮雪殘鸞髻閑遙憶六通遊
戲處洞春花影照仙顏古澗所居者洞春之舊地也

大統大和尚有歲初之佳作遠寄東武被示
奈何賜加焉吟賞之餘漫享其響以呈之其
句中有松柏難凋之語故余亦及此云爾

雪幹霜皮春豈凋株松不逐四時凋忽賡十里風

馨句山谷老人鳴本朝寬永四年

嗣試穎響漫呈金地大和尚之笏室側乙覽
為幸寬永二年

風流闔國擢群倫皎皎清標霞外人新歲僊桃探
支否瑤池花挽武陵春瑤池金地院傳長老之境

漫享金地和尚歲初之玉雋韻

雲裁春服紫霞加雞旦瓣香元辟邪拍出一枝垂
示處南禪輦寺有梅花寬永三年

漫奉和金地國師歲初口號七絕之芳韻

雞日

聖代祇今兩解晴，貽鷄戶戶遇春正。若論五德比明德，吉且翰音天下平。

狗日

東君庶績允咸熙，狗日相逢此一時。風暖信信吹殘雪，鵝毛散亂細如鰲。

猪日

黑猪剋肉日何忙，獨倚春窗斐几傍。脫出一行囊裡去，建寅北斗七星長。

羊日

冰雪漸融韶景濃，既迎羊日吉無凶。呵毫叱起塵中右，忽向金華山下逢。

牛日

村牛步步手中牽，到處春雲駿騫天。今日堯風吹萬物，草肥穎水上流邊。

馬日

斯日冥春追暖風，瑤池八駿鏡開瞳。金狻不被遊絲繫，飛入鸞鳥過花影中。

人日

天地之靈最貴人三才兼備賀佳辰新年富在五
倫裏子母錢成不患貧寬永四年

奉和益地國師歲旦起筆之玉韻

禪外文章賞月正一春草木久知名緇衣禮樂追
周代呂望非熊輦寺鴛

清詩裁製賀新正六十年來天下名智惠花開殘
雪裏龍山尊者勝春鴛國師今年六十
寬永五年

在斐一章猥攀益地國師歲旦起筆之韻枝

云

上日朝霞錦段鮮彩牋一片又同然詞源漲起江
西瓜春到優曇出現年寬永六年

和益地國師試毫詩韻

聖曆新開第七年從茲群卉發芳鮮硯池凍解仇
池石巨筆深通小有夫寬永七年

再用益地院試筆詩韻

清規倍例祝新年元旦漸晴霞氣鮮唱似春雷棒
如雨蟄蟲始振祖庭天

和益地國師試筆之韻

紅雲春到早，油然草木欣欣各發妍。萬壽梅花捧
君處，大椿相讓八千年。

硯沼新流忽沛然，一枝花偈有清妍。新年佛法燈
猶錄，十倍加功揚大年。

以上和益地崇傳長老

西小叨綴四韻一律絕句一真以汚益地大和尚
上日歲且試毫之芳押云

春到扶桑日本東水甌，滌筆意先融。謝公塘草夢

初覺李白煙霞語，獨工梅發南禪思。舊臘雪殘西
嶺聳，長空新年珍重來。相賀人在溫風和氣中。

又

元旦快晴韶景濃，藹然淑氣忽和雍。新詩為有陽
春唱，一曲綿蠻風入松。寬永十一年

和益地大和尚試穎芳押

日出海隅耶馬堆，絳霞流入栢椒杯。東風發起一
枝筆，芳在清詩不在梅。寬永十二年

漫和益地大和尚歲初試毫之芳韻去歲有

鈞命負荷僧錄司之事故未句聊及此以祝

焉云爾

新歲禪林茶飯家絳囊盛藥掃塵邪紫烟一段春
雲繡帶得緇衣禮樂花寬永十三年

丁丑元旦金地大和尚有試類佳作賁來之

示且次見示之有舊冬朝鮮朝宗事余詩亦賦此

事今猥攀其韻枝聊復及此云爾

莫怪南禪雞舌饒秣綠東海雪水消百川春水歸

何處恰似三韓隨例朝實永十四年

文曰叨攀金地大和尚歲初試翰之韻枝

末室迎年禪意加彩霞朝出海東淮瑞祥如此春

風寺麟入紅爐鳳入茶寬永十五年

龔和金地大和尚元旦試筆之瑤韻

寺與禪詩共麗新鸞邊彈舌鳴雞晨士峯窓下增

烟竈太始雪殘豐歲春寬永十七年

漫和金地大和尚壬午元旦試翰之瓊韻

闔國治安人統辰地夫交泰德皆新一春亥筭億

千倍字畫分明欲拆椿寬永十九年

漫攀金地大和尚歲初試韻之詩韻

自元日至平旦快晴故未有及之云
寬永二十年

任例祝釐焚馬通烟霞象影滿夫同三朝樂事酒
無盡一日工夫梅有功唐突河陽新婦子提醒師
疾主人翁杜憂蘇喜今緘說年甫不陰歸太空

漫嗣金地翁甲申歲初詩之芳韻正保元年

青帝尋賢幽谷濱黃鸝一轉未煩頻草堂談了空
空部芸嶺羨來真的真幸值萬管官柳潤喜看百
丈巨叢新雷公忽被喝聲起動植萌生物外春

乙酉限月次金地大和尚試韻之芳韻

江上芬芬郁郁雲新正瑞色物皆欣由來雙桂果
綠結况是巨叢禪味薰一揲三盃看白集孤松五
柳聽陶云春潮漲起吳濤雪景老同車英烈君

病間漫奉和金地大和尚丙戌歲旦試毫之

韻見贈答部

漫次金地翁戊子雞旦試毫之芳韻

南嶺梅邊明窓牖無孔鐵笛朝江叟不罵花柳只
罵天瘴面老子吧吧口慶安元年

天已丑牛日依例次金地大和閣雜句起筆之
芳韻慶安二年

新歲手中椽筆操禪房有友塵坑遭三星透月磨
金烟兩段動猶拋孟勞暖雷風浮江上景瀑泉凍
解海東濤無陰陽地在何處春到青青沼吐毛

庚寅孟陬次金地翁雜句詩翰之芳韻

西嶺陔殘亦出公英華含蓄一窓中報春相喚太
平雀化似開元鶴髮翁慶安三年

次金地翁辛卯元旦試題之芳韻

契茶且坐衲僧家曉見春星攀彩霞佛是梅花太
真冷玉成肌骨入清華慶安四年

和金地和尚壬辰元旦試毫絕句之芳韻

回首朝霞千里畿海東水暖納滄微禪風起自春
天上出世間時舉世稀美應元年

甲午月正馬日漫次金地翁試毫排律詩之

瓊韻

讎名昨夜執金吾日出嬾鷺驚老軀宿雪和風皆
暖潤昆蟲衆草忽昭穌三陽得位時猶泰五典降

有天豈殊淇右竹平青了簣江南梅折白於珠若
知進退消耶長頰辨富貪肥與癯笑指煙霞為幅
紙毛錐阜地莫云無兼應二年

右和金地院元良長老

鳳栖西堂試筆韻 諱元竹

喚起一聲窓響晨溫風和氣共清新料知鳳曆勝
梅曆先遇琅玕節下春寬永四年

猥鳳栖西堂雜日試毫之芳響鳳栖諱元竹

香字寫來勝辟邪新年烟幅彩霞加真如色在韶

光上翠袖佳人花外家寬永五年

和元竹西堂試筆之韻

試墨池中雲氣新東風到颺惹芳塵清詩一朶清
標格吟取梅花世界春寬永六年

和竹西堂試筆詩韻

淑氣和風鬢暮天東皇到處悉欣然筆如花露語
如雪一段韶光勝去年寬永七年

和竹西堂試筆之韻

歲旦裁詩祝國家韶光普照海東涯華篇為奪花

工力筆有春風語有霞

漫和鳳栖西堂試韻之芳押云

一夜年新詩亦新栢椒茶飯賞令度武陵認得梅

邊路早先挑華洞裏春寬永十一年

叨厚樺來老人試韻之韻

天上何處隔西東吹起番番次第風一朶詞花兩

花影梅兄簪弟屬浩翁寬永二年

次元且詩韻寄樺來老骨髓

新歲又逢天一涯相酬難且試毫時若評唐體比

春景不是開元以後詩寬永三年

漫綴一絕十如禪師試毫之韻尾

第五橋東春白新紅雲猶望紫磨身廬能一過嶺

南後梅屬叢林本色人寬永元年

建仁寺十如院永洪基叔西堂寄試筆一首

於是次韻以酬之寬永二年

若木枝頭一道霞影移日暮碧雲家縱然赤塵好

風景異及東山月下花若木者十如院之境致也

東山十如禪伯新年起筆之遺韻

筆力輕扛，千百鈞禪儀有，暇惱益身，山東日色東
山麗先向朝陽花木春寬永三年

和圭首座試筆韻

縱入市朝何惹埃，一春寒去暖還回，慧能庾嶺南
來後祖苑聯芳只在梅元和八年

叨和圭禪師之試毫之芳韻

一道煙霞曙色鮮，始聽黃鳥駐孤眠，少林倏壁人
相似今日元和亦九年元和九年

卧雲禪老和余歲初之詩韻以被惠之忽獲

瓊瑤陋室生輝，不堪感刻於是余亦享其試

交泰觥之遺響而投呈焉爾時雲齋足利學校

彩雲入手奪朝霞，名愜素聞東海涯，一德乾元梅

蓓蕾枝頭爛熳是亨嘉寬永三年

西巖老禪來東關寓于金地門下有日矣今

茲有新正之一絕被示之於是聊和其韻以

投贈之云

第一番風雖在梅，天葩却愛吐瓊瑰，詠歌手舞煙
霞筆東海袖中春自來寬永五年

和圓周西堂試筆之韻

江上相逢賞歲正，紙今四海泰階平。
林間花錦添詩色，造化工夫織得成。
寬永六年

叨厚大宣座元試類詩韻

韶光一段入禪家，日日聯芳次第筵。
花詩與新年共無愁，却思痼疾在煙霞。
寬永十四年

已丑正月次元侃文試筆詩韻

交泰陽春心意夷，地天中處憶迦維。
梅花入筆不凋落，年後臘前同四時。

次元侃座元辛卯元日試毫詩韻

開歲工夫公案展，拍鎚執拂手中新。
春風一擊階前竹，翠袖佳人無位真。

猥奉和藍谿和尚歲旦之華偈之韻聊備電

驪

三朝新試管城翁，滿目雲霞出世躬。
臨濟百花相望次，冷水冰地起春風。
寬永元年

漫和涓川大和尚歲旦試類之瓊韻

春到花園淑氣清，手中鳳曆記王正。
庭松標勝新

年色一様東風十里聲寬永十三年

和滑川和尚試筆韻

遲音清圓珠簾完禪詩無病有驚歡花風吹盡相
庭雪春鳥不驚心自安寬永十六年

漫污天澤大和尚庚辰歲且口號之瓊韻云

爾

向榮草木悉芳鮮禪苑日遲如小寺環響歌高聞

一喝春雷起處是鴟絃寬永十七年

叨依嶺南和尚歲且祇夜芳拙

春入宗門問主翁新年面目本來同嶺南梅葉早

開發一陣東風六祖風寬永四年

猥和東禪和尚元旦試翰之芳韻

一箇肉團無位入新年佛法絕疎親豈審鑄出梅

花鐵冷笑紅塵紫陌春寬永五年

和一燈禪老試筆韻寄依谷某

博多聖福寺者築西開基也而一燈為妙心寺孤住持焉故頃有

凌空錫杖透雲關雪裏初來花裏還剛被東風知

住處一枝飛過大梅山寬永五年

蘇軾宗三老試觚之遺響

詩句新裁奪化土，餘寒雖返研先融。春來九十日，風景始自朝霞一片中。

叨摘見樹院主壬午試毫倭歌末字

新年一夜洪鈞轉，窓下敲冰鳴古硯。關有梅花又有霞，應似南山雪後見。

正月十二日赴文殊院和見樹院僧都立詮

歲初倭歌之末字

正朝試筆慕歌仙，六義風吹遲日天。殘雪映經如

白鳥鳥吟三寶赤鳥年寬永二十年

猥用僧都立詮甲申元旦倭什之末字聊攀

元夕詩歌合之例云

雪漲詞源三峽水，花開心地一枝春。亦秀詞花金葉，舊歌高紅韻紫音春。

庚寅正月文殊院立詮自南山被寄元旦倭

什於函三乃摘其尾字賦絕句以酬之於是

余亦嗣其韻云

新年修法梵主家說作倭歌五有華鼎嶺接隣熊

野藥任他瘡疾入烟霞

文殊院王立詮有辛卯孟陬試翰之倭篇摘其尾字以綴小絕

春水硯池幽梵文課露抄草堂殘雪曉燈續鼎峯教

壬辰雞旦粹撮文殊院主試毫倭歌末字

不聞官家與梵院花如錦綺霞如練一棹和風千里春渡江梅柳同時具

癸巳孟陽摘文殊院主試毫倭歌之末字

倭什欲清新墨池風掃塵菜盤何覆餗盈掬鼎峯春

摘立詮上人甲午元旦倭歌尾字

花於心地生歌詠有春聲繡口吐霞語化土織得成丙申歲旦次文殊院詮上人倭歌末字

新年佛法鼓春風起歌舞師子可添花方丈曼陀雨淨家以傳上人有歲初試類絕句齋來被示於是次其韻

詩代御臨祝月正物華滿面最新清東風暖響西

方士水鳥樹林歡喜聲

戲次蓮社中以傳上人年頭試筆之韻聊寄

諧語云

雞刀冰解見牛全五濁風腥五劫年說與春鷺尊
者去南無歸命阿彌前寬永十一

羅山林先生詩集卷第十八

羅山林先生詩集卷第十九

歲時九

夏家弟東舟試筆之韻

藹藹雲霞朝夕池新年舊歲即時移
花玉滿裏清香滿裏詩元和九年

乙丑狗日賡東舟子試觚之韻

無歡同氣共同遊復遇新年樂未休
試墨池邊風解凍時看活水出源頭

和東舟雜白之作

共祝令辰，蘇翊觴，東風四海一，封疆踈烟天上梅。
花影却勝人間百和香。寬永三年

去冬東舟就，或人而傳受，古今倭歌集，由此
有新年倭歌一首，余摘其末句之字，以為韻
而作詩和之。

倭謂久慕柿山才心地，託根頌養培，傳得古風今
體，外禽言花語也。奇哉 同年

尋東舟子元旦起筆之響

由來造化是天工，春入煙霞變態中，倏遇三陽交

泰且滿腔何處不，和風寬永四年

復摘倭歌末字以為韻而和之

春風耶馬堆心地，此花開鶯舌，說詩否，人云，匡鼎
來同年

東舟子有元旦之絕句，并倭歌，享韻以示之。
倭歌則採其末字云

新年忽自筆頭加，倭語唐言共帶霞，春到梅兒馨
氣外我家本有，友于花

裁成雜且詞，硯北向天池，炊景春嵐裏，日華三任

吹寬家五年

次東舟子起筆之韻

案上紫潭興五雲錦章霞語更相分屠蘇有藥詩
無病一盞春風酬和君寬永六年

庚午早東舟法印永喜試毫詩響示不忘所
生也

一氣鴻鈞忽轉回東風吹物感情催新逢佳節思
慈父不似陽春去却來寬永七年

次東舟子歲旦之唐絕并倭歌韻

新年早試中書君啼鳥野花相共飲有德東皇宜
得壽瞻望如日又如雲

青陽來自東和氣滿腔中霞出三元日花開六義
風

早東舟子新歲捐管之韻

新厦新詩相共成柏椒杯澆酌花鷲風竹構了春
窓外喚起依稀燕賀聲寬永十一年

次韻東舟子乙亥歲初之作

鷲唱泰平聲始揚更勝四十八年桑新詩今若比

花史滿簡春風班馬香寬永十二年

一 丙子孟陬紀東舟子之試翰之韻云

筆下春風手裏盃斗寅木德一時催曉來雖吐烟霞語錦繡心腸不肯回寬永十三年

賡載東舟子試毫之韻

一陣春風早入詩退公猶慶我家私新年物色看

王會政是猩毛試墨時寬永十四年 去冬朝鮮信使來朝贈猩毛筆

戊寅歲且和樗墩子永喜試翰之韻

早迎新歲送嘉平栗烈自消陽荐生吟取梅邊黃

鳥至詩中玉色又金聲寬永十五年

舍弟甚性入秘密門修習有日矣正月四日

來謁袖中出試筆之一絕以求雌黃余以為

勤而不已其續性靈集之後乎因次韻以祝

其遠大云

憶昔澄桃海李春遺風猶在我邦人烟霞一道南

山上待看今年佛法新元和五年

和甚性試筆

鼎峯深處入玄門春與衲衣相共溫除暗遍明遲

日影炯然方寸見元元和七年

和宗吉侍者試筆韻二首宗吉後改名紹信號閑林

詩到東山知所裁吾儕何事續貂來宗盟可笑離
騷計祖苑聯芳不忘梅

筆可揮兮字可裁青春童子詠吟來相期他日趨
庭鬼學否詩中標有梅

次紹吉侍者試筆詩韻

桃園相待艷陽天俊秀今看謝惠連勸學有文須
記取駃騠去不駐青年元和五年

和信侍者試筆

冰廳滌筆試松煤和氣溫風一陣回春到萋萋法
堂草僧中有待呂東萊元和七年

舍弟東山信藏主賦歲旦之律詩遠寄余於
東武余謂時輩皆知有絕句而作八句者鮮

矣今見其詩而嘉其志之出于衆也於是和
二篇以答之且期其遠大云元和九年

禪暇裁詩賀歲元工夫日日又番番
燈錄天下雷聲一喝門細菜和春耳素食層蘇吹

暖賞清樽最親四海同胞際父是乾片母是坤

又

自從甲子記天元去年來度幾番幸遇夏時相
行日猶期沂水欲雲門九旬玉燭先調鼎三枕華
椒早滿樽敢保觀梅知卦畫一枝頭上有乾坤

和閑林藏主春初作

想像故鄉東阜邊陽和何處不同夫冷泉鷗與台
山虎頰向春風一睡眼寬永二年

閑林典藏起筆詩中有雪村之梅之語次韻

而寄聲云寬永三年

嶺南佛性一枝梅傳到扶桑葉始開縞袂雪殘衣
似石丹心冰冷鏡悲臺東山月出暗香動上界春
新淑氣來千里家風遠相寄屠蘇醉後更添盃

寬永二年乙丑吾家幼童叔勝今茲十三也

正月五日寄手簡一緘試筆五篇因求其批

抹可謂家書抵萬金不耐慰悅乃竄易數字

且次其韻以附京師之便而告教誨焉勉哉

堆堆書繞卷舒移終日溫談欲省私侍坐堂春門

雪了復看公揆與揚時
動靜陰陽一氣新
夏時政令協三辰
中心孰謂無山水
裏面由來有智仁
皆是山山草木春
昭蘇煦嫗羽毛新
紙今聖代和風起
天下應無凍餒民
吾愛董即慕迺翁
迎春歡咲是東風
青紅錯綜天經緯
柳自淡兮花自濃
我過強年汝幼年
烟霞相望白雲天
春風不動周公夢
腹笥五經邊孝先

今歲叔勝自京師呈七言律詩二首絕句八首於我皆其試穎也我喜而不寐其中和一篇以示焉今其幕府欲入洛余輩亦當還鄉故絕句錄述其歡情云

愛爾新年十首詩
開緘猶速卷猶遲
既知人統行千世
須記乾元貫四時
此地風光青草動
故鄉山色彩雲奇
忽因凍解觀魚躍
程子窓前盆水池

又

汝居京洛我天涯
一樣東風兩地花
綠樹庭前趨

適處夏雲怡悅及春霞寬永三年

叔勝有新年絕句并律詩共十五首自洛寄
東武乞雌黃余批者數字行人急發故和其
中一絕韻以示諭焉勉哉

今我逢春東海濱雜陽物候亦須新暖風仁雨時
吹煦父母花蕪父母民寬永四年

叔勝自京師寄新歲詩二什首求點刪余批
而還之取其中之一律一絕和韻以示焉
故里欣欣賞歲朝春天遙望木漸喬顧吾銀海霞

先收想汝墨池冰早消花在洛中韶景麗梅開關
外暗香飄窓前日永勤須讀兩卷學庸同一條

春風一樣是王正不隔東關與北京昇實猶期調
和味梅花早歲有芳聲寬永五年

和叔勝雜日誌毛純之韻
五色晨霞江上濱半庭宿雪却清新琅琅讀易梅
窓下物候知時玉燭春寬永六年

和信貞試觚之韻東舟長子

前度遙望天，一涯今春握手百歡加。東風筆下有香字，梅籜多輸雲朶華。寬永六年

和姪永甫試觚之韻信貞弟

年少裁詩始試春，朝霞一抹映江濱。猶期筆下花開後，次第番風日日新。

次韻永甫姪歲初起筆之作

彩霞一抹孟陽天，和氣溫風斐几前。筆力挽春頻顛負，新詞孰與舊年年。寬永十一年

和永甫英年試翰之韻，以祝其遠大云

東風吹杙，勸奇才，理義味滋。婪尾盃滴滴洗毫清，淺水新年詩興被梅催。寬永十二年

和永甫生元旦詩韻

送舊迎新夏小正，霞光天影快然晴。武城禮樂今猶古，一曲絃歌黃鳥聲。寬永十三年

和永甫元旦試筆之韻

新年共賞是同家，韶景添詩色更加。一夜北方含沈壑，朝來變作海東霞。寬永十四年丁丑

次永甫試翰之韻

千門萬戶畫雞時，新歲云臨舊臘移。
字字喚呼春起也，唔啣未必在黃鸝。
寬永十五年

己卯歲旦和永甫試毫詩韻

殘雪讀書環堵人，一甌椒柏試青春。
口含雞舌吐芬否，詩與梅花字字新。
寬永六年

和永甫生試毫之韻，勸其讀書

曉來闔國是王正，紅日初升得快晴。
分映書窓梅影雪，琅琅粲粲聽芳聲。
寬永十七年

尋春齋春怨元旦起筆詩韻以規祝之

滌筆陶泓水解辰，明窓只惜寸陰頻。
和風若識伯鴻意，須試傍花隨柳春。
乙亥月正

丙子雞旦尋春怨子試毫韻

春到千金敝帚家，烏皮淨掃只望花。
藏書雖未及東觀，繙出蓬萊五色霞。

和雞旦起筆之詩韻，以授春齋

一夜風雲變態中，東君陽德且高穹。
雪冰泮解南窓下，袂展緗黃燭跋紅。
寬永丁丑

寬永戊寅孟陬和春齋試毫韻以示之

好箇新年驀地來，墨池楮國一時開。春皇上瑞四
靈裏，鳳在曆林龍在梅。

己卯猪日用春齋雞旦起筆詩韻

層蘇縫掖適，寒溫陽德貫。通用六坤同，賞懋前好
文木日移花影照儒門。

春齋學韻春齋試韻之作

陽和除病覺清新，心與唐詩共不羶。聞水東風吹
宿雪，烏皮相映學庸論。庚辰猪日

寬永辛巳之雞日和春齋試韻之韻詩中有

舊臘講山谷集終其篇之趣故余詩亦言其事
一詠千歡勸一觴，新年草木自文章。梅花直把詩
人比，未必優曇有暗香。

和春齋雞旦之詩韻

東風萌動百花房，黃鳥遷喬蝶入牆。左氏官府廢
飫後，餅家春味試公羊。癸未月正元日

次韻向陽軒試毛純

到處東風遲日天，陽春先唱歲初篇。食飴一楪膠
牙上，永愛慈孫祝萬年。

和氣團藥同一家任它世事極繁華映書何厭始

蘇月宿得明窓六出花甲申孟陬朔

乙酉雞日次春齋試觚詩韻二首

冬季早過逢孟陽東風一段雪為湯汗牛書豈小
車載坐待春林高閣望蘇詩
清時風味拍樽來勝簡河豚名卜梅詩有正葩何
外覓桃紅李白是興臺

丙戌元日次春齋法眼試毫韻此度被授法眼位
入城執謁受衣來春酒清香露一杯誰識天人交

感際始於隗似始於梅

又舊冬有奉使往還高野山

經歷南山千里風雲圍水遠軟轡中任它海李自
開落信與陽春先指東

丁亥元日次春齋起筆詩韻與余同登

府贊拜如例且舊冬臘九日有加賜食祿泊
屋地故其所云及此因余亦云

元朝嘉禮拜恩榮日照城頭韶氣晴燕雀歡聲
相賀處花中絃管亦新鸞

又次春齋試韻之詩韻

鑄煮葑根祖擊鮮春風草木塞垣天夕陽愛子魯
戈短花塢朝朝在壯年丁亥正月吉日辰令

戊子三朝早向陽軒試毫詩韻

和風晴氣亘清穹山自青青日自紅窓曙豐年雪
猶宿千鍾粟粒在書中

香字梅花相競披彩雲吹縹谷風來不須介羽與
金距酉日貼雞同一時

己丑元旦次試毫詩韻示向陽子

甕春孟底柏椒香萬戶千門慶孟陽南面枝頭玉
為宸早梅何必不花主

庚寅雞日次向陽試韻詩韻

元是文房四友伴墨池龍出自神州雪如白羽移
春色江上梅花化作鷗

向陽子庚寅元旦詩二絕既和一首今復次

其一首韻

武陵草色映蒼顏只見煙霞不見山路遇梅花須
負戴郵輿何愧鬢毛斑

辛卯元旦次向陽試毫詩韻

官梅御柳忽榮耀，一朶紅雲補袞衣。門外青松舜
唯獨，東皇可羨配三妃。

壬辰元旦次向陽試筆詩韻

一章先唱十人酬，流布樽桑東海洲。身裏洪爐鑪
堯舜，春風不藉鍊師修。

甲午向陽試毫詩韻

丘明高赤畢皆臻，獨有康侯傳論新。麟篆劈頭頌
定，一周年春與夏時春。兼應二年癸巳

甲午歲初次向陽試筆詩韻

莫怪比枝梅較遲，春暉照物不成私。海東豈翅朝
霞出，溥博淵泉頌及時。

乙未新正次向陽試筆詩韻

春立海東郊甸，遙欣欣花木物皆然。健毫試處曆
資始，剛內柔毛當此年。

丙申元旦次韻春齋試筆絕句

東君命令萬郵傳，霞際登營籃輿堅。花柳無私皆
舞意，河南伯子過前川。

丁酉元旦次春齋試類詩韻

春到眸中一主君源頭活水接天雲孤芳梅有不
孤德名實頌思愜素聞

今茲兒子守勝始賦元旦試類一章和其韻
以從史焉

新歲風温東武城小詩一曲似啼鸞眉山草木增
春色想像梅松是弟兄乙亥孟取

丙子元旦次守勝擗管韻

一轉黃鸞語始奇屠蘇猶滑席間危百花元在六

經裏努力青襟勸學時

次守勝童元旦試賦韻

曆與梅花相共開屠蘇先進妙年杯墨池春水具
魚躍一筆如又可登來寬永丁丑

寬永戊寅太族次守勝試毛穎之韻

一般韶景滿江濱寫出東風筆下春永日文章俎
學習黃竒有待又蘇新

巳卯陔月猪日和守勝童試賦之韻

海不揚波江水涯堯紅舜紫太平花尋常一樣韶

光外筆帶春風語帶霞

和守勝試翰詩韻規祝之以遠者大者勉焉

一春遍界及塵微蒼帝韶光是德輝巖石水敲硯池暖氣蒸側理與垣衣庚辰春

寬求辛巳元旦和守勝試翰之韻

松在門傍鶴在皋三朝嘉禮喜相遭深衣揖揖梅花袂唯哂仲由披緼袍

次韻函三子壬午歲旦試韻

開歲新詩清且華水勝喫茗不槎牙三朝先賞春

平瑞爐裏紅麟香辟邪

次守勝試觚之詩韻

硯沼如淵筆墨勻龍珠探得不攀鱗明牕一卷梅花易袖裏堯夫軀癸未元旦

嗣韻考槃適試觚之作

行藏用捨是無能陸地文瀾知幾層誰試春王正月筆謹嚴唯有聖經憑

坡公何事怯三能栢酒獻酬蕉盡層出谷鷺兒味知柳若無木母存誰憑

壽域八荒同一時春輝照面漸遲遲送窮似祭若
敖鬼淑氣今朝豈餒而

閑了春山清了時煙霞深更欲樓連鸞聲一洗堯
琴耳借問許由蕪意而甲申正月朔

乙酉元日次函三子試翰詩韻二篇

鞠塵嫩柳拂旌幡色似黃裳六五坤應是春聲相
唱和鳥歌未闕又花言

黃鸝請爾曹吟了性情陶韶色莫勞體眼明欲數
臺南山折歲壽東海對潮濤父母古今在春宵沉

約膏

丙戌元旦和考槃試韻之韻

雲自綺紅天自青百川雪浪入滄溟水間魚陟鰲
初祭應是東君來賜腥

丁亥元旦次春意起筆詩韻

屠蘇藍尾一膠牙新歲抽毫祝第選麈去何如鳩
放出漢高恩不愧西巴

讀耕齋元旦一絕韻頗峻故和者有巴字

巴水西巴瓠巴之屬既不少矣於是繼和者

二章以示焉

詩味道腴治齒牙和風室近此心遐春輝耀動硯池影龍是歲星蛇是巴

新年筆管琢花牙千里朝霞一片遐雪佛消流白毫亂點為禪者克勤巳丁亥馬日

又次春惠詩免之詩韻

錯綜風光天下明昊皇布令日先庚歷山春到一犁雨添得禽耘又象疇丁亥正月

戊子元旦次函三子試筆詩韻

年後依然天地形春風一葉舞階賞新正不用羨新誦莫訪揚雄載我醪

春起也聲今日啼東皇到處五雲低陶泓凍解白魚躍筆裁殷家愛批雞

江府正保五年戊子月正元日次靖也試韻

詩韻

武陵大府久潭潭細馬輕輿滿劇驂闕限鞠躬金壁戶春風回首幙惟庵座前醜學父兄姪海內衣冠伯子男遲日明燭唯畫一迢霞蒼莽豈食三鴈

飛野草曾知趙鶴唳門松將化耽新歲功名誰是
實晴豨撩亂不如蠶

函三試春律詩韻頗艱險猶白之朝再信口
廣載以示焉

少陵宅在百花潭每跨蹇驢如篠駝吟案雖繁唐
律韻深衣欲訪晦翁庵精粗衆物渾然氣上下四
方真箇男初日池容慙謝五新年徑草對陳三數
杯北焙雪氷解滿座東風家室耽借問霞衫雲繡
客畝田魯不識桑蠶

疊和函三詩韻而自感自適以示之

早尋瀛洛游淵潭因記子輿名本駭平日欠伸環
堵室半宵舒卷讀書菴繩笄適處曾教女紙筆好
時何責男雖熾烏銀排巽一不慙白髮遇元三梅
花只白羅浮夢芍藥爭禁溱洧耽吾輩欣心復入
具誰知火鼠恠水蠶戊子羊日

水戶羽林君和函三潭韻被盡之且請余點
竄其悃意可觀英敏可賞漫批若干并絕句
五首皆效先輩評話加筆以還之於是復次

韻示函三兼使向陽見焉

新歲南湘與北潭曉來馳驟幾車驂自移梅影映
椒酒孰在花時憶草庵降福今朝靈仰帝殿讎疇
昔小依男奉持聖道心無二恠罵人間尸有三蛾
術相傳弓冶學罵吟猶聽瑟琴耽餘寒挾續筆軍
出組練滿牋纏裹蠶戊子正月九日

巳丑歲且次試韻詩韻示函三

新年無雪洒衣襟霞外清標暖裏吟一曲陽春誰
續和金衣公子識琴心

庚寅元旦次函三試翰詩韻

一曲陽春歷綠腰番風次第是和韶壁間掛着梅
花易塗抹何須石氏椒

函三子庚寅新正詩二首既和一絕今又次

厥一絕韻武州有霞閣云

暖雲爭及岫雲開枉使人情隨世間霞外關河莫
云遠浴中一髮是青山

辛卯元日次函三試筆詩二首韻

三微先賞柏椒前雙眼漸青楊柳邊白玉花開經

史裏滿籛金不若韋賢

文章源派激餘波和氣溫風無孟婆筆下春雲新
捧蓋一團玉葉不期荷

壬辰雞旦次函三試筆詩韻

詩雋嘗來淡不甘形鹽雪解水如藍武陵野處春
風筆吹掃容齋隨續三

函三呈似壽我律詩不耐慈愛因次韻勸其

前程云壬辰正月狗日

仁義滿腔何瘦肥晨昏喜汝侍慈闈土溫屈整花

初振雲透飛鴻味共歸天祿夜燈看子政皇州春
色憶玄暉啓唇縱是無羸齒骨董藥中糜粥稀

厚函三試筆詩韻

半夜一朝時候遷暄妍草木艷韶天東風任手陽
春塢拋擲陶甄物外年

函三有鳧毛筆絕句今所試則此筆也與韓

公毛穎暨涪翁狸毛蘇叔黨鼠鬚可以并案

余亦同題

鳧毛拔採入書房整束尖鋒細似芒蒼頡所觀應

此鳥跡雖成字免何傷美應二年正月初

今茲函三有詩簡二章其一則既次韻今復申次其一韻以規其遠大祝祝

新年言行豈非違春雲是帝機時至先知始振萬雌不及一雄飛美應二禩孟陬牛日

甲午歲旦次函三試翰絕句韻

洪造吹噓一貫通新年庭草憶元公韶光天地有形外卷入腔中生意同

乙未孟陬次函三試簡詩韻

手中筆研一卷區和氣周流壽域途始奏黃鸝太平曲堯天舜日聽咨俞

丙申雞旦次韻函三試毫絕句

白玉蟾餘鄴尾融韶光早入小窓中洗心周易梅花露吹面堯夫楊柳風

函三別有試毫詩以丙申故用火後事於是

同厥韻

新年莫使柳髮覺只待春陰漸茂繁鼎有丙丁童子花風煎茗喚青猿

我孫春信捧雞且試毫詩請改正之乃次其
韻今茲十二歲

最愛幼孫磨玉泓武江水暖展寅正青年添色崑
山竹猶待歡聲聞鳳聲甲午稽日

乙未元旦次春信試翰之詩韻

魚陟水融墨沼開喜看筆力挽春回花中玉色自
磨珠告歲往方知歲來

丙申元旦次春信試翰之韻

陽德亭時動植生共窓宿雪不羞明綿蠻大族相

諸應聽取花中絃管聲

丁酉雞旦次嫡孫春信試筆絕句韻以授之

東皇在輿路塵除陰慘忽休陽忽歸一幅春雲似
紳帶試翰先使子張書

稚孫春常年纔十有一今茲甲午始賦試簡

小詩曰次韻以授焉

初吟江上春五字稍清新喜得含飴報試毫總角人

乙未元旦立春次春常試觚詩韻

試試筆花彈壽卮南枝速發北枝遲兩般節序孰

爲是彼此化工同一時

丙申鷄白次春常試簡之韻

花氣新聞百和香春風吹水映天光畫欄帟上朶
雲筆遲日晴絲箇箇長

丁酉元旦次春常試簡詩韻以與之

溫風淑氣海東天一曲縉蠻喬木邊筑嶺映庭移
茂蔭武原當戶弄芳鮮友于旣慕程夫子俊秀須
追謝惠連勸學少年勤晝夜眼青殘雪硯屏前
丙申元日荒川長好今年十七始作試筆絕

句乃次韻示之

碧童旣自洛邊來侍座相傾椒柏杯梅葉歲初成
小字定應昨夜一枝開

羅山林先生詩集卷第十九終

羅山林先生詩集卷第二十

歲時十

嗣試筆詩韻與澁正次後改春江

子丑開過寅乍來和羹一椀酒三盃天開開眼今
朝見花亦開芳歲亦開元和八年

癸亥和試韻與春江

詩兼肇歲共皆新遍是千門萬戶春金玉聲中朗
吟了鶯歌一曲動梁塵元和九年

甲子元日春江賦一律余見其進於曩時以

喜之於是和而昇焉寬永元年

年矢早催迎孟陽朝霞覺起黑甜御解凍東風生
暖藹建寅北斗現寒芒樂天句裏膠牙樑高氏牋
中羊腎湯料識春遊從此始鋪花錦繡可爭光

和春江生試毫之韻聊祝其仕學之前程云

爾

祝得新年庶物元栢椒苾苾對清樽括囊盛貯餉
春處占象先知六四坤寬永二年

和歲初作以示春江

數在心胸億兆年貫通渾沌未分先南枝北來梅
花易試識先天與後天寬永三年

春江生自豫州松山遠寄其試類詩於東武

乞風什余為批削者數字且次韻以昇示焉

霜雪凌來春又逢四時青了一株松遙望南海天
將曙五色雲霞朶朶紅

百物新生方寸春中和位育一青春此心此理元
無別東海相同南海春寬永四年

和春江生歲初口號

去歲海西逢吉辰，今年來寓武州濱。東風一筆兩般意，半爲新詩半爲春。寬永五年

間嶋興永在攝州，有試筆之作馳一奚求點窟。即批抹而遺之，因次其韻。

陰陽未判一團圓，子丑寅開三統完。試問新年無恙否，雪庭梅竹共平安。寬永元年

和間嶋春興雜日試毫韻。興永改名春興後改春佐

孤客携來武野涯，邀春却憶維陽花。滿牋只借東風手，一朶雲爲五彩霞。寬永四年

和春興試毫之韻

世上春風人不忙，樽桑初日海東洋。一枝分映二三人，梅葉如星字字香。寬永五年

小絕一首和春興元旦之作

春入石虛中，暖雲忽淡濃。毫端花早發，芳氣先番風。寬永六年

次春佐試筆之韻

枕裏屠蘇慰旅身，東風吹物一春新。從茲日日悉皆好，雞狗猪羊牛馬人。寬永十一年

依請次試筆詩韻以昇春竹

雪後黃梢嫩弱楊和烟帶露引韶光東風一樣萬
千里霞外遙望紫陽正保元年

乙酉元旦長谷川立伯有試筆詩余偶忘其
句僅記其韻因次之以授焉

負笈從師學習時蒙求一句屬黃鸝春宵呵硯不
凍手牆角檠頭殘雪枝

次韻試筆以與立伯

豕蹄渡河年到來肉羹椒酒盞盤堆東風一陣筆

花上寫出窓前小字梅正保四年

著雍困敦次立伯歲初絕句韻

正保欣逢第五雙春潮雪浪滿東江自今字字不
呵硯遲日映鴉塗小窓

己丑正月次立伯元旦詩韻以告之

東海新年遲日温芳菲萌動廣平原禎祥臻處非
無象白獸在樽鷄在門

小絕一篇次其韻以昇早川政胤後改道雲

小詩已巳年欣賞孟春天把卷繼鷄晨雪殘机按

前寬永六年

和政胤試翰之韻

洛下湘東同吉辰膠餽栢酒更清新剪裁五絲雲
霞否憶得老萊衣裏春寬永十三年

頃年道雲學鴻術今茲元日試毫賦絕句次

其韻以授示焉

上池水暖越人墻多少方書筆硯傍宿得爐中紅
紫雪盛來囊底散丸香

次試翰韻以與高敏清

一夜迎温又送寒家家椒酒各同歡窓梅相對入
心別冷葉逢春不冷看寬永十一年

次難且試束詩韻以與敏清

送舊迎新造化工早梅嫩柳向東風春光錯綜幾
千里一筆描來向堵中寬永十二年

和敏清試簡韻

韶光相映五雲端當色土牛人尚驢一氣洪鈞回
轉處新年物景幾多般寬永十三年

用敏清歲旦詩韻賦一章以畀之舊臘答朝

鮮書奉命而草之其中執事報彼禮曹書三
通令敏清繕寫焉故敢及此云爾

元是文房侍坐人數千何厭獻酬頻年前滌筆士
峯雪傳到雞林同此春寬永十四年

和堤通景試鬼韻

一團淑氣一年新風煖硯池無點塵湘左已消江
上雪長安不隔日邊春寬永十三年

和金就安試筆韻自播州來佳者

異鄉迎歲始知新詩與椒花翫味頻曙色早開千

里目湘雲蜀水共同春寬永十三年

丁丑版月用就安試韻詩韻以異焉

詩與孟正相共新尋師千里遠遊人雲旆煙幅蒼
花鳥造化功成筆底春

次試毫韻與岸田清隆

鸞轉蒙求蚌鳴子白而况人乎鄭玄家婢誦胡
爲乎泯中而况男乎於是益知童子羞稱霸樵
夫談王蓋其馴致之久所使然何誣哉甲申正
月朔家臣清隆偶有試毫句我慙其債人歎而

春齋欽亭次韻以昇之故我亦被二子悠憊乃
賜彼云爾

奉侍東州又雍州平生命汝率蒼頭一春貫徹四
時令唯教黎民可使由

乙酉元旦清隆試毫綴句因次其韻以與之
掌吾管鑰認藏書淑氣和風吹入廬春誦琅琅真
滿耳曾論時習是從初

乙酉月正次今江清長試筆詩韻以昇之

牛角垣墻八字新不辭年肇往還頻佳傍幾度代

傳語凍解雲開筆海春

乙酉孟陬次細谷重時試春詩韻以昇焉

數歲從吾武塾濱新迎鷄日慶令辰何圖小字梅
初綻猶望柳邊花底春

丁亥孟陬次重時試毫韻

霞際炊煙處處家匙中白飯換新茶歲初武野無
邊草他後洛陽三月花

戊子次試毫詩韻以與重時

煖席哈哈三宿桑盤遊骨董賞青陽春風吹裏放

翁帳一樹梅花百和香

己丑陬月牛日次重時鷄旦詩韻以與之

新年呈瑞雪花餘盤有菜羹庖有魚日本洞庭春
一色東溟萬里影涵虛

庚寅鷄旦次重時試毫詩韻以與之

元正任例賀良辰到處千門萬戶春一曲陽聲傳
暖響倉庚話訓是清新

辛卯孟陬鷄旦見重時試毫詩點窠之乃虞
其韻以與焉

殘臘忽過逢月正紅雲警日一天晴春風花木皆
相似歲歲知新今又榮

次壬辰雞旦詩韻以與重時而勸勉之

歲與煙霞相共新家家欣賞宦遊人勾萌向日吹
噓處和氣易為花木春

癸巳正月次試毫詩韻以與細谷重時去冬
赴我采邑有勸農收租之勤勞我甚嘉之故
及此云

三始曉來韶景新照鷄門上擬司晨雪融添得一

犁雨且喜新春勝舊春

甲午孟陬次試毫絕句韻以授重時

吹硯和風不舉塵倉庚一轉早清新東君到處應
行好萬戶千門有脚春

乙未孟陬次試筆詩韻以與細谷重時

梅諸先試進春茶肉味加羹積善家殘雪夾松俱
潤色主翁鶴髮映朝霞

丙申陬月細谷重時有元旦試筆律詩韻
以異之

和風吹處歲華新星在三陽交泰寅
莽蒼片雲看淑氣屠蘇一枕賀芳辰
試呵毛穎腕將健動煖靈堅
嚏不頻林苑萃閨方寸裏向來須
莫負青春

壬辰元日次試筆詩韻以畀野季次

綠賣向曙海東天萬里春風豈有
邊新葉鱗鱗花入筆紫潭雲漏
水龍年

甲午陬月次試簡詩韻以與季次

花信權輿梅一城仰看江國向
朝晴門前韶景千年色徑下春
風十里聲

次吉田高治試筆韻美應三年

東海波新歲亦新水消黃鳥出幽臻試毫為借化
工九攬舉和風手裏春

次荒木重政試筆韻同年

爆竹聲中殘臘回朝來羹飴滿盤堆漢庭朱草今
應記曆與梅花一度開

次中村祐晴試筆韻同年

風和波穩海東春梅蕊初開柳眼新誰使龜年可
後耳俗云黃鳥唱三辰世稱黃鸝唱日月星因號曰三辰云

次試筆韻界中村祐晴

甲午端過乙未回雪消漸識嫩鶯來春池暖響聊
鳴視歲與水紋相共開明曆元年

丙申孟陬次祐晴元日試毫詩韻

東君德澤潤邦家一盞椒花一枕茶錯綜風光吹
入手開窓揮筆拂晨霞明曆二年

羅山林先生詩集卷第二十終

蘇山松葉主...
 東坡先生...
 王子...
 心手...
 東...
 中...
 與...
 甲...
 乙...

